

■ GLOSSA

«Na è Na è Na»

DA SILVIO CAMENISCH

Na è Na è Na e Gea era», di il pievel cur ch'el ha votà. Tge faschain nus fauss che la voluntad dal pievel sa metta giada per giada encunter nus? N'èsi betg qua insatge fauss en la naiva voluntad dal pievel? Tgi diavel ha chavaltgà la satiglia maioritad dal pievel ch'ella fa in sigl, betg en l'aua chauda cun ils Killias, en la cotgla ardenta? En tgenins puncts sensibels han «ils Chaus», gist, quels cun las schliaziuns, vilentà la pitschna voluntad dal pievel ch'ella sa drizza uschia encunter els, ils Chaus, la pitschna gritta voluntad?

Tge faschain nus cun la pitschna, voluntad dal pievel, sch'ella na sa tegna betg sco quai ch'ella duess, ella stuess, correctamain vi da nossa voluntad? Tge schessan noss «vegls camarats» Brand Schmid ed Engler da quella fitg malengraziavla voluntad dal pievel? Na stuessan nus betg repatriar, jau manegel metter al cunfin ella, quella estra, maioritad dal pievel, sch'ella na sa tegna betg vi da nossa voluntad da chaus burgais? Nus avain vis quella estra velada cun burca e nicab sco las radicalas da noss linguatgs, jau na stoss betg dir tgenins e tgeninas, e stuain nus avair quellas? Betg vairamain?



Tge schessan noss trais «vegls» cumplizis che preschantan insaco la voluntad dal pievel giu qua a Berna? Pudessan nus lumiar, manegel far pli loma la per gronda part dira nova voluntad dal pievel votant la voluntad dal pievel betg votant fiss probabel pli gronda, pli pitschna na fiss quella betg, mo jau na mettes betg mia detta tar quella en la cotgla, jau betg! Pudessan nus vegls cumplizis tut lasuenter midar la votaziun da charvun u da cotgla, er egal, da malus en bonus, per saldo? Per saldo stuess quai ir cun in pau struvegiar, auzar, sbassar e turnar a far, betg?

Cun in pitschen tricli cda buobs, in «Bündner Buebetrickli», pudessan nus trais furbazs enturn la pianista la chauda blondina, la vulida dal pievel gist il temp da Nadal, manar

ella enturn il det pitschen? La pitschna voluntad dal pievel vul quai mintgatant: esser u vegnir manada enturn il det pitschen u pli grond tut tgenin manader. Quella dovra quai per savair tge ch'è tge, betg? Quella stuess schon (sa) communitgar meglier ch'ella na veglia betg da quai: esser u vegnir manada, manegel sturschida enturn il det (pitschen) da tals tips! «Na è Na è Na» stuess ella schon dir decis, cas cuntrari èsi automatcamain Gea.

Dastgain nus quai, signur Brand? Auzar ora cun palfiers la voluntad dal pievel davart abitaziuns secundaras cun pitschen «tricli grischun da buobs» sco quai che las nauschas gasettas scrivian? Nus ans tegnain bain vid las reglas? Nus acceptain, nus gratulain, nus engraziain a la giubilara dad oz, veglia dal pievel, il meglier cun Arturo Casanova in dals noss. Nus tramettain a la veglia nossa scadiola u coppina, egal tgenina. Dastg jau bajegiar enturn mes clavà da las soras en abitaziun secunda da charvun, signur Engel? Gea, jau dumond tai cun la fatscha d'anghel. Qua na commet jau nagut illegal, davent jau nagliur criminal, signur Brand? Na schlargel jau betg in extremis la voluntad dals iniziants? Super.